

國朝先正事略卷之五十二

循良

平江李元度次青纂

施筠瞻明府事略

施君昭庭字筠瞻一字寄篁江蘇吳縣人康熙五十四年進士知江西萬載縣萬載地險僻山嶺縣互有客民自閩粵來居之累數十年積三萬餘人曰棚民濫尚貴者臺灣逸盜也其黨亦散處山中爲拳勇師與棚民往來雍正元年聞中移捕盜黨急尙貴度不免謀爲變始君之至也以棚民爲慮縣人易廉野富而才君厚禮之使交於棚民而偵其所爲於是廉野大積粟貸棚民還不取息或免償如是者數年棚民大悅棚民之材者嚴

林生等數從廉野遊。由是盡得山中要領。向貴將舉事。召棚民。林生遽告廉野。聞於君。君集勇敢三百人。卽以林生統之。爲要約。以待而棚民多受廉野恩。不忍往。然往者猶數百人。向貴有眾二千。大掠山村間。時三月十三日也。君謂林生日。賊易破也。然吾慮賊或擾旁近縣。旁近縣無備。必使向萬載破之。必矣。會得賊謀。四人厚撫之。使告向貴曰。萬載人盡逃。城廬可唾手得也。賊遂決意向萬載。則又張疑兵。伏諸境中。時鳴鼓譟樹大旗。見旂或連繫數十馬。相踉蹌。或熟草若炊烟。賊欲由徑攻我。後疑不敢入。遂由官道來。而棚民多受林生計。使趨捷者數十人。分曹持刃。挺伏叢棘中。賊過。突躍出。大呼擊賊。賊驚走。輒追。

殺之。伏數發。賊疑駭。欲卻。則又懼棚民之躡其後也。於是濡被爲盾以進。君望見笑曰。彼已懾矣。則使火鎗二十餘迭擊之一。戰獲尙貴。尙貴起二日而敗。又二日而撫營兵至。初棚民嘗入市欺市人。人積畏之。尙貴叛。道路洶洶指棚民。君謂林生曰。撫營兵至。必按山。吾負棚民。柰何。則又曰。吾以免死帖與諸降者。汝及今趣棚民。具不從。賊結狀來。其免乎。兵至。果按山。如君計。不戮一人。而巡撫初到。官聞警。張其事入奏。既見君中文不合。使請於總督查弼納。欲改追之。君曰。吾不忍追棚民。使叛而殺之以爲功也。不可。改巡撫乃憫君。謂棚民匿盜已久。又從亂。罪皆死。今雖赦之。必羈歸本籍。君乃使人徧諭棚民。無恐。而請於

督撫曰。棚民者。閩粵之貧人耳。來居山中。種麻自給。惟其貧苦。以席爲屋。故曰棚民。非刀手老爪賊之比也。歷年多生齒。日眾。與居民閒有爭訐。皆細故。不足深懲。今日之亂。由臺彎逕盜。不關棚民。而探賊動止。離賊黨羽。誘賊就縛。悉賴棚民力。請覈戶口。編保甲。列齊民。泯其主客之形。寬其衣食之路。長治久安。爲計便查。公許之。巡撫尋亦悟。悉如君策。棚民乃安。事聞。世宗臨朝。諭九卿曰。知縣以數年心力。辦賊巡撫到官。幾日。豈得有其功耶。獨下總督疏。交部議敘。以主事知州用。君尋引疾歸。後十餘年卒於家。

葉維一太守事略

葉君新字維一浙江金華人少補府學生已復冒順天籍入學
康熙五十一年舉順天鄉試聞蠡吾李剛主傳顏習齋之學往
受業焉立日譜稽核功過尤嚴義利之辨雍正五年以知縣試
用四川既至權華陽尋儒仁壽民或與鄰縣爭地界當會勘鄉
保因聞人以賄請君怒悉下之獄勘畢歸各按其罪由是吏民
悉斂手奉法八年攝嘉定州州故有沒水田多逋稅君視曠土
可耕者召民墾闢以新科抵稅額逋稅悉免仁壽奉 中旨采
木匠人倚官爲暴民弗堪糾眾相抗縣令以變告君馳至訊匠
頭及首先糾眾者一人並治之餘數百人釋不問上官才之有

疑獄輒令往勘。歲平反十二年。遷知印州。乾隆元年。再遷夔州同知。繼遷成都知府。又攝瀘州。瀘縣好訟。初至。案牘委積。君日坐堂皇。吏者至。立剖決。訟罔者。悉赦之。旬餘。獄事大減。及百日。遂無遺。七年。權順慶知府。遷雅州。母憂歸。服除。授江西建昌府。以勸諭爲治。先教化。而後刑罰。修盱江書院。招引文學之士。復南流黃孝子祠。以厲民俗。十三年。南豐令報縣民饒令德謀反。請窮治。令德好拳勇。令以風聞遣役往偵。誤探其讎。謂謀反有據。遂逮令德。令德適他往。乃逮其弟繫縣獄。令德歸。自詣縣。訊以重刑。遂誣服。雜引親故及鄰里爲同謀。令遽移檄追捕。君得報。集諸囚親鞠時。株連者已七十餘人。言人人殊。

君大疑詰縣役捕令德弟狀役言初至令德家獲一篋疑有金
寶匿之及發視無所有則棄之野令聞意篋有反迹訊以刑遂
妄稱發篋得簿割毀之矣令謂實然遂逼令德俾誣服也君於
是盡釋七十餘人其命隨往南昌戒之日有一逋者吾代汝
死矣及至七十人其命隨往南昌戒之日有一逋者吾代汝
是集才能吏令德弟狀役言初至令德家獲一篋疑有金
是巡撫得報時令德弟狀役言初至令德家獲一篋疑有金
一剖解得白所登活二百許人十七年調贛州府贛縣民搶奪
拒捕君依故例擬斬令德弟狀役言初至令德家獲一篋疑有金
欲以改例擬君謂令德弟狀役言初至令德家獲一篋疑有金
例前宜從故例爭之不得復以甯都民

葉映庭觀察事略

葉君士寬字映庭江蘇長洲人博學工詩文旁及象緯輿圖句股六書之學尤通達政體康熙五十九年舉人知山西定襄縣八年遷沁州知州其爲政善知民隱滌煩苛遇事不假手胥吏事辦而民不擾權潞安知府除諸稅之無名者復四門集以便商人民大懷畏歷權平陽太原治行爲山西最十二年大計以薦入朝

上賜蟒服擢紹興知府乾隆二年移知金華晉杭嘉湖道調金衢嚴及甯紹台道茹終不出兩浙云其治紹興也有清民格士而殺之眾士譁將罷試君在三江聞信飛騎至數言剖解試

如初。浙西風潮大作。海塘陷。君往堵築。三月而工完。在金華時。東陽縣饑。求賑者呼號集城門。以萬計。君曰。按冊施賑。是賑冊非賑民也。單騎往諭之。召飢者前立。注其名於冊。而撻其二人。民乃定。二人者一婦人。先以訟至官。服華服。至是易敝衣求賑。君識之。視其敝衣。華服如故。一男子。容甚澤。飲以阜菹湯。嘔出酒肉。眾驚。冒賑者多散去。泄金華三年多惠政。既去。郡人思之。爲立生祠。歲遇君生日。輒張燈合樂以祀君。其前在沁州亦然。有武人自沁來。過君祠。適遇君生日。祭獻者至。擁馬首不得行。時君去沁已數年矣。其爲杭嘉湖道也。嚴保甲。守望之令。盜賊屏息。及移金衢嚴。衢州地勢高。西安龍游諸縣築壩蓄水。

以溉田。商人入山伐木，私開壩行水，日涸。乃嚴其禁，民稱便。初，君蒞嘉湖時，柯鄉豪家訐訟，有以金饋者。君急置之法。獄未具，卽調金衢繼事。者果以賊敗。事連巡撫，坐死。總督德公委君推鞠。君言：「巡撫實未受賄，覆治之。」得金數千於用事者之家。巡撫獲減罪。八年，移甯紹台道。釐關政修，職履親巡。外洋雖險遠，必至紹興水蕭山諸暨民多挾眾詣縣求食。巡撫聞而惡之，不欲賑。君往視，還白。巡撫曰：「某夾時災民，飢欲死，何忍見其悉填溝壑耶？」言訖痛哭。巡撫心動，聞於朝，遂得賑。君嘗言：「待飢而賑，所活幾何？本計其在修水利乎？」議復紹之鑑湖甯之廣德湖大興灌漑之利。會去官，乃止。著浙東水利書。冀後有行之者也。十

二年父夏歸遂不出君在浙每加意書院以作人爲已任家居
屢集諸生校試文藝興趣者聚平居孝友之德著聞鄉里卒年
六十有七

至辭興水山龍寶貝冬林泉龍鄉來會遊無圖而惡之不遊
妻謝罪人平逐留餘合首董關迎外
韓侯言遊無寶永受
鳴鑼金齋經車苦果以
昏迷寢臨和琳縣墓宋
以謝山高人山外水
日聞已還其禁月
未具

翁蓼墅刺史事略

翁君運標字晉公號蓼墅浙江餘姚人父瀛廩貢生康熙壬申以妻兄鄔某官粵西恭城令赴其約夜泊祁陽之新塘失所在舟人大索不得報其家并返其行篋扇鎖未動失其鑰時君甫三歲兄運槐八歲招魂葬父又三年母亦卒君茹苦力學兄年十三時歷楚粵豫章尋父不得以病歸雍正元年君舉進士悲不得父骨誓往尋卜於漢壽亭侯廟有誰知意外得生還之句三卜而三兆焉乃與兄徧走湖南萬山中刺臂血作疏禱於神吏兩歲無所遇乃榜一舟曰餘姚翁某尋父溯洄衡永聞及半載一日泊新塘遇土人鄭海還者言三十年前其弟海生失足

溺水格敗葦得不死。視葦間有已溺屍身。佩小錦囊。因瘞之。白沙洲存錦囊爲識。乃道急足證。歸於家。以啟篋。牝牡胎合。囊故君姊昔年手製以奉父者也。始悟生還之讖。實應鄭氏兄弟名。遂號泣啟。攢扶觀歸。仍於前瘞處。畱封樹焉。時雍正丁未八月也。人競稱翁氏兩孝子。云君初授桐柏知縣。多惠政。桐人爲建生祠。乾隆癸亥。知武陵縣。左道莫少康。蠱里民將成大獄。君捕少康。寘之法。被誘者皆得釋。有兄弟爭田者。親勘之。坐田野中。忽自掩涕。訟者驚問曰。吾兄弟日相依及來。武陵吾兄已不及見矣。今見汝兄弟。偶思吾兄故。悲耳。語未終。訟者亦感泣。以其田互讓。乃中分之。又有兄弟爭產者。其兄父養子也。父歿。弟少

分以瘠田使別居。兄不平。以狀白。中有亡父嗜酒得疾語。君怒其暴親過也。笞之。仍斥其弟。割腴田以畀兄。又有子竊人金。指爲父所匿者。拘其父。至反覆鞫詰。終不加以刑。或問之曰。以子證父。脫有誣。天性之恩絕矣。姑俟之後。廉得其實。果黑夜爲他人攫其竊金去。而其子誤以爲父也。唐氏子聘張氏女。貧不能娶。張鬻其女。唐知而訟之。君察張亦貧甚。鬻女金久耗矣。乃出貲贖其女。召唐氏子婚焉。邑有衡州人業織者。其鄉有重囚亡命來主其家。家人不知也。已大府檄下大索之。囚已先逸矣。君第令業織者導之往跡而得之。竟得不連坐。亦未受一笞。鄧康二姓爭湖洲之利。鬪殺不已。積訟數十年。君勘其地曉譬再三。

終不服會大雨至二姓請少避君曰汝輩爲一塊土世世罹重
法不顧予何愛此身爲植立雨中逾時堅不去二姓感動乃親
爲劃界訟自是息且相好邑東長樂村洽江互長堤每夏秋水
漲直齧堤址田廬皆沒巨浸中舊築石匱衛之水勢稍殺年久
匱將圯民深患之渡江而南有德山石塔明提學董公其昌所
議建也亦就圯形家言頗以爲病附郭向無書院君勤於課士
每就僧舍設講席輒用顰顰於是大集邑人士嚮咨興創不數
月而三大工次第告成人稱其堤曰翁公堤塔曰翁公塔書院
曰翁公書院焉歲乙丑大旱君閱郡志邑北有龍門洞去城百
二十里唐劉夢得禱雨處乃覓導者草笠芒屨炷香步拜窮晝